

**BOSNA I HERCEGOVINA
FEDERACIJA BOSNE I HERCEGOVINE
VLADA**

N A C R T

**ZAKON O IZMJENI I DOPUNI ZAKONA
O RASELJENIM LICIMA I POVRATNICIMA U FEDERACIJI BOSNE I
HERCEGOVINE I IZBJEGLICAMA IZ BOSNE I HERCEGOVINE**

Sarajevo, maj 2018. godine

**ZAKON O IZMJENI I DOPUNI ZAKONA
O RASELJENIM LICIMA I POVRATNICIMA U FEDERACIJI BOSNE I
HERCEGOVINE I IZBJEGLICAMA IZ BOSNE I HERCEGOVINE**

Član 1.

U Zakonu o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije BiH“, broj: 15/05), u članu 27. stav (2), riječ: „povratak“, zamjenjuje se riječima: „održivost povratka“.

Član 2.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

OBRAZLOŽENJE

I - USTAVNI OSNOV

Ustavni osnov za donošenje ovog zakona sadržan je u odredbama člana IV.A.20. (1) d) Ustava Federacije Bosne i Hercegovine, prema kojoj je Parlament Federacije nadležan za donošenje zakona o vršenju funkcija federalne vlasti.

II - USKLAĐENOST SA ZAKONODAVSTVOM EVROPSKE UNIJE

Ovaj zakon, kao *lex specialis*, tretira vrlo specifičnu, teritorijalno ograničenu, oblast raseljenih osoba i povratnika i ista je stvar nacionalne jurisdikcije, te u odnosu na Nacrt ovog zakona, ne postoje sekundarni propisi Evropske unije sa kojim se treba vršiti usklađivanje.

III - RAZLOZI ZA DONOŠENJE ZAKONA

Cijeneći stvarne potrebe raseljenih osoba i povratnika u prijeratna mjesta prebivališta, kao najranjivije kategorije našeg društva, Federalno ministarstvo raseljenih osoba i izbjeglica realizira niz programa/projekata pomoći, te na taj način stvarajući pretpostavke za potpunu reintegraciju u povratničkim sredinama, a kroz programe/projekte rekonstrukcije uništenih i oštećenih stambenih objekata, projekte održivosti povratka, obnove i izgradnje infrastrukture, obnove objekata vjerskog, obrazovnog, sportskog i kulturnog karaktera, te drugih objekata od značaja za širu društvenu zajednicu, projekte pomoći povratnicima kroz dodjelu poljoprivrednih mašina, sadnica, plastenika, stoke, izgradnje stajskih objekata, rekultivacije poljoprivrednog zemljišta, programe podrške zapošljavanju i samozapošljavanju kroz razvoj malih i srednjih preduzeća i pružanja podrške projektima unapređenja privrednih djelatnosti za otvaranje novih radnih mjesta putem dodjeljivanja grant sredstava, projekte podrške razvoju start up (početnog biznisa) povratnika, projekte obavljanja pripravnčkog rada radi osposobljavanja mladih povratnika na tržištu rada, projekte humanitarne pomoći kroz dodjelu paketa hrane i sredstava za higijenu, finansijske pomoći za liječenje povratnika, pružanje pomoći udruženjima koja se bave pitanjima raseljenih osoba i povratnika, programe dodjele stipendija studentima-povratnicima na područje Republike Srpske i druge vidovi pomoći raseljenim osobama i povratnicima.

Imajući u vidu gore navedeno, postoji potreba preciziranja pojma „održivost povratka“, budući da je isti kompleksniji i sveobuhvatniji u odnosu na pojam „povratak“ u smislu realnih potreba povratnika u stvaranju društvenog, ekonomskog, socijalnog, infrastrukturnog ambijenta za potpunu reintegraciju u povratničkim sredinama i osiguranje ekonomske samoodrživosti i poboljšanje kvaliteta življenja samih povratnika.

IV - OBRAZLOŽENJE POJEDINIH ODREDBI

Članom 1. ovog zakona terminološki se precizira pojam „održivost povratka“, a koji je u odnosu na pojam „povratak“ kompleksniji i sveobuhvatniji u smislu realnih potreba povratnika u stvaranju društvenog, ekonomskog, socijalnog, infrastrukturnog ambijenta za potpunu reintegraciju u povratničkim sredinama.

Članom 2. ovog zakona definira se stupanje na snagu ovog zakona.

V- FINANSIJSKA SREDSTVA

Za provedbu ovog zakona nije potrebno izdvajanje dodatnih sredstava iz Budžeta Federacije BiH.